

# 《金剛般若波羅蜜經導讀》 補充講表

◎附表二十八：以下糅合《金剛經講義》

○須菩提！菩薩亦如是。若作是言：『我當滅度』：若菩薩通達無我法者，如來說名真是菩薩。

※《金剛經破空論》云：「此承上廣明無得妙果，而勸修無得真因也。蓋不但無心外眾生

可度，無心外佛土可嚴。即此心性之中，求一能度所度，能嚴所嚴，實法了不可得。

以能所之性，祇是即心自性，無有少許我法而可得故。如此通達，即名真實菩薩。」

○心行叵得：行：行動，遷流之意也。蓋因其心念，剎那不停，故曰：遷流。遷流者，言

其心如水之前浪後浪，相推而前，遷移流動而不息也。此即色受想行識之「行」。

◆一切眾生，所以認妄為真者，由於不知其是不可得。何故不知？由於心粗，不辨其是生住異滅，剎那相續。◆叵得：即不可得之意。

○須菩提！過去心不可得，現在心不可得，未來心不可得。

◆過去心、現在心、未來心，是為不一；皆不可得，是為不異。

○明諸法緣生：謂一切法本來無生，但由因緣聚會，假現生相。蓋明諸法是假相而非真性。以性乃本具，萬古常恆，非由因緣聚會而生。故標題曰：無性，即顯其有相而無性。

○標題曰：體空，此體字指「當體」也，猶俗語所謂「本身」，非謂性體也。

不可得：但明即空。

緣生：既明即空（即非），兼明即假（是名）。

◆總之，心行叵得：應離念也。諸法緣生：應離空有二邊相也。

○須菩提！於意云何？若有人滿三千大千世界七寶……以福德無故，如來說得福德多。

◆此科是總明緣生之義。何謂總明？從布施因緣說到福德，福德即布施因緣所生法也。故布施：因也。福德：果也。因果並說，故曰：總明。

◆「此人以是因緣，得福甚多」：指示行人，應領會諸法緣生道理，以通達乎一切法皆是

一如。因緣生之理，即空即假是也。觀照即空即假，以契入諸法實相。

○若福德有實，如來不說得福德多；以福德無故，如來說得福德多。（一切福田，不離方寸）

◆發心大則布施大，福德亦大。然則發心云何為大耶？不住相是已。心有所住，則有所束；無住，則無拘束，無範圍，故大也。

◆欲布施不住相，必先於福德不住相。若注意於福德，是以福德為實有也，便住相矣。既於福德住相而行布施，是為福德行布施也，則布施亦住於相，故「如來不說得福德多」。

◆以者，因也。無者，無實也，正對上文有實言。謂因為福德是緣生法，即空即假而無實之故，一切眾生但能布施六度，深植因緣，則因緣聚會，福德便生矣。聚會者，成熟之意也。故曰：以福德無故，「如來說得福德多」。

◆當知佛說緣生，重點在令人徹了一切法即空即假，以通達乎無我而融相會性。

○如來說具足色身，即非具足色身，是名具足色身。（諸相具足，即非具足，是名諸相具足。）

◆總以明報身是緣生法，即「具足色身、具足諸相」乃多劫修因所現之果報耳，是緣生法也。緣生非性，即假即空，故曰即非具足色身。然而既是本性隨緣，所現修因剋果之相。雖當體是空，而即空即假，名相儼然，故曰：是名具足色身。總之，法法皆是緣生，故法法皆是，即假即空，即空即假。「即非」乃即假之空，「是名」乃即空之假。

◆身相分說，含有要義。蓋色身名為具足者，正因其諸相具足耳。故色身為所莊嚴，諸相為能莊嚴。分而說之，意在顯其有能有所，正是緣生法耳。若本具之性，惟一空寂，既非色相，那有能莊嚴所莊嚴之別！（不住也）

※《金剛經破空論》云：「若佛境界，離有離無；色身相好，寧復非有？為遣此疑，故明具足即非具足，欲令即於色身相好，達其無分無劑，得見如來淨法身故。淨法身者，法界為體，不局丈六及四八故。彼丈六身及四八相，一一皆即相好之海，不可但作文六、四八觀故。」